

Dörfligeischer 2019

Uf üser Ärde hett der Mönsch e Riese-Entwicklig gno,
Zersch uf allne vierne gsy, u de hett är afo sto,
U de hei si nodisno ihri Höhline afo verloh,
U de isch de Steizyt cho, so wie mir hie tüe sto,
U de si d Pfahlbouer no i üses Seeland cho,
U de si de Ritter no mit Ross u Rüschtig cho,
Jetzt isch die technischi Revolution zu üs allne cho,
U d' Entwicklig tuet wieder rückwärts go, drum loufe alli eso !

079 hett si gseit, das sig sexistisch hett si gseit,
De gits e Karikatur, hett si gseit, wo ihri Nummere dinne steit,
Äs Riesegschtürm, hett me gseit, was söu de das bedüte ?
Wär wott de dere rote Tamara Funicello scho alüte ?

Am Längfäldwäg, do steit ä-n-Ample ganz einsam u verlasse,
Tuet orange vor sech häre blinke i dene dunkle, lääre Gasse,
U plötzlech isch rot - dasch öppe glich sinnlos, so wie die tuet loufe,
Wie wenn uf der Jungfrou obe Ischwüfeli würdsch verchoufe !

Trump Trump Trumperidi, dä Donald Duck chas eifach nid lo sy,
Är tröimt vom ne Mürli wies ds Berlin e Mou isch gsy,
Mir hätte do ne Vorschlag u d' Chöschte wäre chly,
Trump Trump Trumperidi, mir muere ihm das Mürli - u setze ne dry !

Äs Gsetzli hie, äs Gsetzli do, Vorschrifte überall,
Bio hie und vegan do, e Zertifizierig für halal,
U nöchscht Johr brucht jede Schuppe u Stall e-n-Adrässe mit Nummere dra,
Äs chunnt no sowyt, dass jedi Chatz e Heimatschyn muess ha !

Le vote que la ville de Moutier peut changer au canton du Jura,
Il n'est pas encore terminé - le combat continuera,
Si le Jura s'agrandi et c'est vraiment officiel,
Dans les deux cantons montera le quotient intellectuel !

Hie in Biel si mir sehr tolerant gäge Sache vo nah und färn,
Ob rot oder gälb, ob wyss oder schwarz, alli hei mir gärn,
Aber öppis hei mir Bieler und üse Stapi gar nid gärn:
Das isch do dä schwarz u gruusig Zug vom SC Bärn !

Dr Bou vom Campus Biel wird verzögeret, Archäologe tüe drum ou mitgrabe
Mit Pimseli, Pinzette u Löffeli geits viel langsamer wyterabe,
Jetzt hei si sogar ganz wyt unge, e grossi Tafele gfunge
Wo druffe schiens ygmeisslet steit: 079 hett si gseit, hueresiech, hett si gseit !

O Johann Schneider-Ammann du bisch jetze halt zrüggräte,
Mit dine wältbekannte Rede hesch niemer us de Socke chönne jäte,
Du geisch jetzt zrüg uf Langethal, das finge mir nid doof,
U wünsche dir eifach nume ds Beschte - u ganz e guete Schlof !

